

Bewäärtig Pfyffer

Musikalischi Wäärtig (A-Note)

Si schtot fir d Interpretation und dr Usdrugg. Wenn d Umsetzig und d Charakteristik vom gwäälte Marsch guet droffe wird und derno no musikaalisch vordrait wird, gits gäärn e gueti Noote.

Gloost wird au uff d Phrasierig und en usgwoogeni Dynamik.

Sowool im Einzel wie au in de Grubbe kenne do maximal 40 Pinggt pro JurorIn erraicht wäärde.

Technischi Wäärtig (B-Note)

Do wird uff e raine Aasatz, dr Klang, d Rhythmik und die technische Fähigkaite gloost.

S rächt Schnuufe und e gschtizte Doon ooni Nääbegrysch, brillianti Laif, suuberi Verzierige und e sattelfeshti Rhythmik sinn d Vorussetzig fir e gueti Noote.

Bi de Grubbe gheert au dr Klangusglych vo de Stimme derzue.

Sowohl im Einzel wie au in de Grubbe kenne do maximal 30 Pinggt pro JurorIn erraicht wäärde.

Bi de Grubbe gits no e C-Note

Maximal 20 Pinggt pro JurorIn kennt do fir s exaggt Zämmespiil und e gueti Stimmig vo de Piccolo erraicht wäärde.

D Pfyffer-Jury wüsch alle Konkurräntinne und Konkurränte vüyl Erfolg und frait sich uff tolli Vordrääg.